

Communicaziun a las medias BCG

La Banca Chantunala Grischuna sustegna pèrs interprendiders cun trais seminaris

Cuira, ils 14 da settember 2016 – Ins continuescha quest e l'auter onn cun la retscha da seminaris «Wenn Paare Unternehmen führen». L'occurrentza sa basa sin il cudesch cun il medem num da Lianne Fravi e Bettina Plattner-Gerber ch'è cumpari l'onn 2013. Las occurrenzas che la Banca Chantunala Grischuna (BCG) coorganisescha han lieu a Cuira ed a Puntraschigna.

I dat blers pèrs che mainan comunablamain ina firma u projects pretensius. Il seminari «Wenn Paare Unternehmen führen» ha tematisà l'emprima giada questas relaziuns da pèrs il 2014. Ils trais seminaris suandants a Cuira e Puntraschigna mussan danovamain receipts cumprovads da pèrs directivs. «Nus avain plaschair che la Banca Chantunala Grischuna po realisar ina segunda giada ina retscha da seminaris cun las auturas Lianne Fravi e Bettina Plattner-Gerber», accentueschan CEO Alois Vinzens e Fritz Beiner, manader Clients da fatschenta tar la BCG.

Experts dattan impuls

Ils participants survegnan da differents experts impuls, tips ed ideas davart il tema «manar sco pèr». En il focus stattan ils temas «manar tractativas e tecnicas da tractativas», «ciclus da la vita e da l'interpresa», «direcziun e comunicaziun» sco er «administraziun fiduziaria e finanzas». Plinavant intermediesch'ins als participants l'impurtanza da la comunicaziun en la direcziun dad in'interpresa e sco instrument per tgirar la relaziun. Ils pèrs emprendan tge facturs ch'els ston observar, per ch'il model da lavurar e da viver «tandem da partenadi» reusseschi.

Strategias da schliar problems per pèrs

Cun emprendre d'enconuscher differentas strategias da schliar problems vegnan ils pèrs conscients da las atgnas valurs e tenutas en lur relaziun sco partenaris. Els vesan cumpetenzas impurtantas che influenzeschan a moda positiva la lavur da direcziun sco pèr. Plinavant emprendan els d'enconuscher e da chapir en spezial ils mecanissem e l'impurtanza da process da madirezza e da svilup persunals, specifics per il pèr e per l'interpresa e las midadas dad in process a l'auter. Suenter s'occupan els a moda activa cun quests champs da svilup.

Ulteriuras infurmaziuns ed annunzias sut gkb.ch/unternehmerpaare.

Contact per las medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 1'018 collavuraturas e collavuratur (stadi dals 30-06-2016). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2016: 10 da favrer 2017

Radunanza dals participants: 8 d'avrigl 2017
